

## Wien, Österreichische Nationalbibliothek (ÖNB), Cod. 1182

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

119

C O D I C E S

120

est. Ab initio usque ad *Septuagesimam* defunct in Cod. nostro *Lectiones Dom. I. post Natalem Domini, Natalis S. Martiniae, et duae post Theophaniam*, tertia nobis inscribitur *Feria IIII. post Theoph. Sec. iob. k. XIII. Vedit iohannes ibesum venientem ad se &c.* A *Septuagesima* ad *Pascha* deficit in nostro *Lectio Sabb. Quinquagesimae, et Sabb. Hebd. V.* unicum est *Evangelium Job. c. 153.* *Sublevatis ibesum oculis &c.* A *Pascate* usque ad *M. Augustum, Sabb. post Pentec.* secunda nobis deest *Lectio*, item *Lectio Hebd. II. post Pentec.* sed *M. Junio die XIII.* deest in editis *natalis sancte felicule.* Post *Ostabas pentec.* per errorem in nostro Cod. bis habetur *Feria IV. VI. et Sabb. sed deest Hebd. IV. et V. Lectio. Hebd. VI.* nobis inscribitur *II. Die XXVIII. Jun.* deest *Translatio Corporis b. Leonis Pont.* et *Hebd. V.* tantum unum habet *Evangelium: Quidam legisperitus surrexit tentans Jesum &c.* Ab *Augusto* usque ad *finem. M. Novembri* duplex nobis est *Lectio in natali sancte felicitatis; sed deest Lectio in die belli, et tertia in natali pape,* pro qua duplex est *in ordinatione presbiterorum.* Deficit vero Codex in *ordinatione diaconorum*, qui non tantum propter haec adlata, verum etiam propter alias, five in *Hebdomadum numeratione*, five in *Stationum adsignatione*, five in *dierum ordinatione et inscriptionum ratione* ab editis differentias antiquae Li-

turgiae studiosis commendari me-  
retur.

LII. *intra Cem.*

Codex membraneus lat. Sec. 982  
*XIV. Folior. 191. fol. maj. totus auro magnifice exaratus, literis initialibus Capitum grandibus historiatis, Versuum vero, uti et Capitum titulis, et interpunctionibus vario colore expressis, paginis praeterea omnibus limbo caeruleo ad angulos florido circumdati, ut recte praeclarissimum non artis tantum, sed et patientiae humanae monumentum dici queat, Evangeliarium est Versionis vulgatae. Fol. 1. p. 2. Pictura grandis. Acta S. Matthaei in 12. divisa loculos eleganter exhibet, adnexit ad 4. angulos Insignibus Styriae, Austriae, Tyroleos et Carinthiae, unde colligo Codicem aut jussu Alberti III. Ducis Austriae dicti cum Trica scriptum, aut ei dono destinatum fuisse. Fol. 2. p. 1. ita init Evangelium, ut sola litera L totam faciat paginam. Referta ea est Angelis variis instrumentis concentum musicum edentibus, spatio vacuo, quod inter illam et limbum est, quintuplici serie Capitum utriusque Sexus occupato, quae an Progenitorum Christi, an Familiae Ducum Austriae dicam, nescio. In limbo prosequitur textus: *Iber generationis ibesu christi filij dauid filij abraham.* Per decursum nihil occurrit notabile, nisi quod quaedam Capita paullo citius finiantur, aut ulterius procurant,*

## Wien, Österreichische Nationalbibliothek (ÖNB), Cod. 1182

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

121

## HIEROGRAPHICI

122

rant, quam in Editis hodiernis. Fol. 55. p. 2. orditur S. *Marcus* eadem ratione ab Actis suis splendide depictis ea solum differentia, quod Insigne *Austriæ* locum præ *Styriaco* tenet. Fol. seq. solam I literam admireris, primam vide licet textus et vocis *Initium*. Solum in hoc *Evangelio Caput IX.* aliter ac in Editis ab VIII. dividitur. Fol. 91. p. 2. visuntur in totidem loculis Acta S. *Lucae*, Insigni *Austriæ* rursus angulum dextrum superiorem tenente. Fol. sequens speciosissima litera F occupatur addita tamen in limbo continuatione: *Uit in diebus herodis regis iudee.* Igitur deest Προλεγομένοι illud ad Theophilum: *Quoniam quidem multi &c.* Capitum initia cum Editis conspirant. Fol. demum 148. p. 2. depinguntur Acta S. *Jobannis*, Insignibus, ut in *Luca* dispositis, et Fol. sequens sola litera I superbit, pag. altera inchoante: *N principio erat uerbum &c.* In solo Capite XVII. divisionis differentia. Ad calcem lineis aureis et caeruleis alternantibus haec clausula: *Et ego Joannes de Oppavia, presbiter. Canonicus Brunnensis Plebanus in Lantskrona. bunc Librum. Cum auro purissimo de penna. Scripsi. Illuminaui. Atque deo cooperante compieui. In anno domini. Mille-simo. Trecentesimo. Sexagesimo. VIII°. En Canonicum χαλκευτεον και αδαμαντιον, qui sacrae, qua fungebatur, animarum curæ laborem ejusmodi adjunxit, qui solus videri queat, integrum hominis aevum depositare. Adiecta est*

Icon *Christi* judicis insidentis iridi, adstante infra Matre et Nutritio. Ut porro aliquod lectionis specimen proferam, Job. c. I. habetur: *quem dixi vobis, pro quem dixi; Per ibesum facta est, pro per Jesum Christum; nisi unigenitus filius, pro unigenitus filius; Peccata mundi, pro peccatum; Manifestaretur in Israel, pro manifestetur; Filius iohanna, pro Jona;* unde Textum satis castigatum esse liquet. Seculo sequente Codex ad Fridericum III. Imp. devenit. Video enim fol. I. p. 2. ejus Symbolum A. E. I. O. V. cum anno 1444. Atque is pro merito theca eum decumana argento inaurato squalenti biennio post vestivit, nam in ejus ansulis et Symbolum mox dictum, et annus 1446. insculptus cernitur.

LIII.

Codex membraneus lat. Sec. 351 XIII. Folior. 56. f. columna angusta, ut margines Notis patarent, pereleganter scriptus, literisque initiorum picturatis venustus exhibit *Evangelium D. Marci*, Glossis marginum instructum et interlinearibus, unde et linearum luculenta distantia. Praeit *Marci Vita in Bibliis glossat.* Lugd. T. V. fol. 88: 1545. tributa *Hieronymo*, quae incipit: *Marcus euangelista dei et petri in baptimate filius, et non uno loco correctior est editis. Textus ipse hinc inde a Vulgato variat. Ita C. I. legitur omnis regio galileę pro omnis Iudeae regio. Veniet fortior pro*

H 3

venit.